

毘陵集
錢功集

田比陵集二

十卷

四部叢刊初編集部

獨孤憲公毘陵集序

內閣中書舍人武進趙懷玉纂

敘曰習爲纂組詎知麻枲之有功長於蓬茨難語阜應之合制文章之道何莫不然故尙藻績者目不眴典謨矯侈靡者口薄言騷雅礪礪之守其失維均不爲汙沿恐昧流別有唐之興體凡三變天寶而後大歷以前燕許云徂韓柳未盛則蘭陵蕭功曹趙郡李員外與常州刺史獨孤憲公實比肩焉蕭雖忤於權門李乃汙夫僞命揆諸文行未免參差公則謹直著於朝宁愷悌洽乎方州凌轅四君見李序祖述六藝孝經一卷首志立身孔門諸科幾得具體此其可貴一也唐世文字存者寥寥苟有聞見亟宜購訪而茂挺之作屢收於什一遐叔之製尤掇於零星殘篇軼簡人以爲病公則首尾廿卷尙符唐志靈光之殿巋然獨存積玉之圃浩乎無涖菁華所鍾神物加護此其可貴二也退之起衰卓越八代泰山北斗學者仰之不知昌黎固出安定之門安定實受洛陽之業公則懸然天得蔚爲文宗大江千里始濫觴於巴岷黃河九曲肇發源於星宿此其可貴三也琴瑟專壹聽者思遷牲醪日陳食者生倦求其相濟是在兼長公則猷升邦國言炳竹素識大識小亦元亦史語其

矜貴明堂清廟之儀迹彼脩遠青山白雲之概惟昭斯融雖淡不厭此其可貴四也然宋槩旣失未聞續雕石渠之外世罕傳本是集從歙縣鮑君廷博假得爲長洲葉氏奕所藏明吳文定寬在東閣時錄出之本也葉以趙氏吳岫本馮氏曹甲本互相參校自詡完書披覽甫周譌舛百出病餘多暇悉意勘讎落葉漸掃珠船屢獲原集之外復得公雜文如干首其謚議誅傳有涉於公足資考鏡者竝附篇後於是已三免譌夏五少闕永嘉本出人無還讀之勞宏農帳深客見不傳之祕矣夫浚儀社古形圖去官峴山碑高涕隕行路秉彝攸好靡閒今昔維公盛德克紹前軌故植檜已朽見蔽蒂而如逢召公降露無庭對膏雨而猶思郇伯矧夫譔述彌足珍焉余之爲是刻也亦使人知遺愛勿替廉吏可爲身登九列不若沒世有稱裝累萬金不若名山藏業後之司土同致瓣香學優仕優咸有所勸匪徒表章篇翰蒐輯叢殘苟侈山淵以恣采伐而已乾隆五十六年歲次辛亥秋八月

唐常州刺史獨孤公文集序

朝議大夫前守虔州刺史隴西李舟述

傳曰物生而後有象象而後有滋滋而後有數數成而文見矣始自天地終於草木不能無文也而況於人乎且夫日月星辰天之文也丘隴川瀆地之文也羽毛彪炳鳥獸之文也華葉彩錯草木之文也天無文四時不行矣地無文九州不別矣鳥獸草木之無文則混然而無名而人不能用之矣人無文則禮無以辯其數樂無以成其章有國者無以行其刑政立言者無以存其勸誠文之時用大矣哉在人賢者得其大者禮樂刑政勸誠是也不肖者得其細者或附會小說以立異端或彫斲成言四字英華作言遠二字以碑對句或志近物以英華作而玩童心或順庸聲以諸俚耳其甚者則矯誣盛德汙鱗風教為蠱為寇英華作盜為妖為孽噫文之弊有至是者可無痛乎天后時英華作朝廣漢陳子昂獨泝隲波以趨清源自茲作者稍稍而出先大夫常因講文謂小子曰吾友蘭陵蕭茂挺趙郡李遐叔長樂賈幼幾洎所知河南獨孤至之皆憲章六藝能探古人述作之旨賈為宗宗巡蜀分命之詔歷歷如西漢時文若使三賢繼司王言或載史筆則典謨訓誥誓命之書可彷彿於將來矣嗚呼三公

皆不處此地而連蹇多故唯獨孤至之常州刺史高年亦促豈天之未欲振斯文耶小子所不能知也已矣常州諱及有遺文三百篇安定梁肅編為上下帙凡英華作分二十卷作為後序常州愛士而肅最為所重討論居多故其為文之意肅能言之比葬博陵崔貽孫又為神道碑悉載事行而痛其不登論道之位崔公剛而好直其詞不黨君子謂之知言昔班孟堅美漢得人之盛曰文章則司馬遷相如又曰劉向王褒以文章顯是則四君子者有漢之文雄歟然而遷無鄉曲之譽虧大雅明哲保身之義英華作美相如薄於貞操有滌器受金之累向無威儀遺文以繆而身幾不免褻多為歌頌當時議者以為淫靡不急其他無聞焉大較詞人多陷輕躁否則悞狹迂僻於事故弛弛其能蹈履中道可為物主者寡矣孰與常州發論措詞皆王霸大略孝弟之至達於神明善與英華作於人交久而敬之當官正色不畏強禦加之以仁惠愛物吏民敬鄉英華作畏而文又如是乎其餘則二君既言之矣今竄錄崔氏之作綴於篇末云爾

毘陵集卷第一



朝散大夫使持節常州諸軍事守常州刺史賜紫金魚袋獨孤及

賦

夢遠遊賦

詩上二十三首

壬辰歲過舊居

夏中酬于述畢燿問病見贈

三月三日自京到華陰水亭獨酌寄裴六薛八

海上寄蕭立

唐文粹作五

酬梁二十宋中所贈兼別梁少府

東平蓬萊驛夜宴平盧楊判官醉後贈別姚太

守置酒畱宴

觀海

雨後公超谷北原眺望寄高拾遺

丙戌歲正月出洛陽書懷

季冬自嵩山赴洛道中

代書寄裴冀劉穎

客舍月下對酒醉後別畢四燿

庚子歲避地至玉山訓韓司馬所贈

下弋陽江舟中代書寄裴侍御

題思禪寺上方

蚤發若峴驛望廬山

癸卯歲赴南豐道中聞京師失守寄權士繇韓

幼深

初晴抱琴登馬退山對酒望遠醉後作

賈員外處見中書賈舍人巴陵詩集覽之懷舊

代書寄贈

寒夜溪行舟中作

江上代書寄裴使君

與韓侍御同尋李七舍人不遇題壁畱贈

李張皇甫閭權等數公竝有送別之作見寄因

題荅

賦

夢遠遊賦

老氏稱吾所以有大患者爲吾有身大哉聖人之知微乎夫生者一氣之暫聚耳有天地之和自然之力以運其行止節其天壽非智力之所能扶明矣而舉世矻矻莫不保持形骸謂爲已有執迷妄往而不返小者攘禮樂竊忠信以賈譽大者盜天地之權至於忘身道德之衰皆英華誤借此物也余生於浮而長於妄汨沒當世與羣

動俱智不能逃形於名聲之韞鑲脫屣於冠冕之籠檻
及其世界顛倒萬物反覆始返照收視以觀身世然後
知一生之患假合豈直芻狗土苴英華一作梗熱饑聚沫而
已則我之身也與百憂偕長況重險之中乎思欲冲三
清出五濁乘凌虛極與造物者爲伍莫有由矣嘗中夜
夢飛昇太空若有以名跡見請者覺而自失乃爲賦以
狀遠遊且旌悟道之晚也其詞曰

仰太素兮觀元精之煙燼孰官司乎物物兮得流形而
爲人太皞遺我八卦藏天地於文字輔而獻之爲聖爲
智褒衣之徒相與擊建鼓而揭日月兮奔孝慈而走仁
義其英華一作而弊也古是而今非身賤而名貴驂駟馭還
兮道路屯雲而奔波絢煥轆轤兮玉帛鐘鼓之駢羅霍
熒英華一作熒兮心懸天地而火馳蒼黃兮得未終也而失已
繼之百骸與日月竝走英華一作馳五藏與哀樂交戰義和
未及弭轡榮枯紛而萬變何生涯之倥傯兮蹇吾降此
中州憑世道以上下若涉水而無津兮與吹萬同其波
流況世緒塊軋英華一作比兮如夢絲之相縈英華一作纏一見辰極
之低昂兮知杞人之殷憂願覓呀以蝕月兮天地閉而
雲愁鳳凰焚其故巢兮適舊國以失儔埃塹燭以上薄
兮虞羅紛其四周吾始未知夫六合湫隘之若此孰與

吾兮遠遊豈無太清之路兮夫何漫漫而迢遙望帝鄉
之低徊兮徹白雲與之偕逝澄予神於遙夜與顛氣期
乎無垠眞境勿穆以傍感精誠薰然而來親歛乘夢以
奮飛博至靈英華一作虛以上賓望見碧落天地如掌洞開
八門別有萬象亭亭物外乘化直上身世雙遣英華一作遣獨
與道往其往也泛兮若遊魚振鱗而泳清川問兮若胡
雁得順風而緣秋天忽不知誰之身夫何爲者采英華一作採
深入空界七耀在下問予津於混茫兮蹇倘佯以延佇
若有人兮縹緲指人間以唁予曰鳳兮鳳兮何德之騷
天固桎若以禮義桎若以機事盡支離其德而起英華一作起
逃乎物累使逸翮可得而籠樊兮孰云夫吾毛英華一作毛
作五之自異天運地載剛柔生焉千變萬化如環無端
彼興廢與往復同大壑之波瀾將令歸根明徵其源則
吾與若皆幻也又奚睢盱於其間幻未始有封物未始
有壘成則虧進則傷無汨而和無易而方山立其中央
善汝行密汝藏道將自光吾在大羅之上元都之所乾
坤爲家日月爲宇噓吸元氣太虛之下音尙一乃心勿
謂道阻遊乎無窮吾願見汝事眞告以自省兮五情慙
作愁英華一作愁其增熱哀攀龍之無階兮思過英華一作過一天之曷月
未知去下方幾萬億兮退將返遵吾歸轍脩玉虛以下

詩上

壬辰歲過舊居

少年事遠遊出入燕與秦離居歲周天猶作勞歌人負
劍度潁水歸馬自知津緣源到舊廬攪涕尋荒蕪鄰里
喜相勞壺觴展懇勤酒闌擊筑語及此離會因丈夫隨
世波豈料百年身今日負鄙願多慙故山春

夏中訓子述畢耀問病見贈

救物智所昧學仙願未從行藏兩乖角蹭蹬風波中薄
宦恥降志文粹作淪跡未遽念臥病非養蒙閉關涉兩旬羈思浩
無窮驚鶩何處來雙舞下碧空離別隔雲雨惠然此相
逢把手賀疾間舉杯欣酒濃新詩見久要清論激深衷
高館舒夜簾開門延微風火雲赫嵯峨日暮千萬峯遙
指故山笑相看撫號鐘聲和由心親事感和氣同出處
未易料且歌緩愁容願君崇明德歲暮如青松

三月三日自京到華陰水亭獨酌寄裴六薛八

祇役匪遑息經時客三秦還家問節候知到上巳辰山
縣何所有高城閉青春和風不吾欺桃杏滿四鄰舊友
適遠別誰當接歡忻呼兒命長瓢獨酌湘吳醇一酌一
朗詠既酬意亦申言筌覽兩忘霞月祇相新裴子塵表
物薛侯席上珍寄書二傲吏何日同車茵詎肯使空名

降濟銀漢以中歇憑東井以俯視識故國之城闕千門
萬戶遙如蟻穴百川綺分五嶽羅列覓舊山與喬木纔
依稀而明滅見伊川一有大道鞠為戎狄歷陽故人半
作魚鼈英華一作龜 曩之奔命於市朝者如紛紜飛馳誦誦
嗤嗤蹙蹙踟躕有翹陸離若蠹虱之聚壤絮蜘蛛之乘
遊絲吾乃英華乃字下 今日識羣動之變態兮莞然倚
長空而笑之亦既自得周覽未畢惕焉形開萬象如英華
都一作失羣有儼以皆作百慮續其來歸乃夙昔之人寰
始故時之喧卑向之俯仰欣感無非妄者然後知吾之
生也與妄英華有皆字 生邪氣乘之萬緣合并為憂為患為
虧為盈彼君子英華有兮字 方碌碌然自以為覺猶飾妄以
賈名安知聖人不以世界為重徃生死為大夢視變化
與英華一作品類亦猶英華一作神交英華有之字 飛動與遺英華
一作物以顧身兮悟生浮而質陋以一氣之倏英華作秒忽
與萬化而紛糅自視猥英華作俄然寄形宇宙尙何能濡首
於榮辱之境甘心英華一作口於哀樂之固鶴鷄于飛載翻
載翻英華一作翻 君子至止栖息化元獨立道英華作義又作範 樞
怡神胚渾萬物轉薄吾眞長存止水不波浮雲無根與
時盈虛委質乾坤倚伏相軋吉凶同源物各自爾子欲
無言優哉游哉聊以窮年

終然羈此身他年解桎梏長作海上人

海上寄蕭立

唐文粹作五

朔風翦塞草寒露日夜結行行到

文粹作屆

瀛壖歸思暮

節驛樓見萬里延首望遠碣遠海入大荒平蕪際窮髮

舊國在夢想故人胡且

文粹作且胡

越契闊阻風期荏苒成

雨別海西望京口兩地各天末索居動經秋再笑知曷

月日南望中

文粹作日窮南望

盡唯見飛鳥滅音塵未易得何

由

文粹作以慰飢渴

訓梁二十宋中所贈兼畱別梁少府

少讀黃帝書肯不笑機事意猶負深衷未免名跡累厭

貧學千祿欲徇賓王利甘爲風波人豈復江海意擔簦

平臺下是日飲羈思逢君道寸心慙喜一交臂緒言未

及竟離念已復至甯陵望南丘雲雨成兩地途殊迹方

間河廣流且駛暮帆望不及覽贈心欲醉愛君如金錫

昆弟皆茂異奔赫連絲衣榮養能錫類君子道未長深

藏青雲器巨鱗有縱時今日不定

定字俗改足吳本亦作足

議唯當

加餐飯好我袖中字別離動經年其道分首易

東平蓬萊驛夜宴平盧楊判官醉後贈別姚太守

置酒畱宴

驛樓漲海壖秋月寒城邊相見自不足況逢主人賢夜

清酒濃人如玉一斗何啻直十千木蘭爲樽金爲杯江
南急管盧女弦齊童如花解郢曲起舞舞激楚歌採蓮固
知別多相逢少樂極哀至心嬋娟少畱莫辭醉前路方
悠然明日分飛儻相憶祇應遙望西南天

觀海

北登渤澥島迴首秦東門誰尸造物功鑿此天池源湏

洞吞百谷周流無四垠廓然混茫際望見天地根白日

自中吐扶桑如可

吳本作何

捫迢遙蓬萊峯想像金臺存秦

帝昔經此登臨冀飛翻揚旌百神會望日羣山奔徐福

竟何成羨門徒空言唯見石橋足千年潮水痕

雨後公超谷北原眺望寄高拾遺

崖口雨足收清光洗高天虹蜺歛殘靄山水含碧鮮遠

空霞破露月輪薄雲片片成魚鱗五陵如薺渭如帶日

極千里關山春朝來爽氣未易說畫取花峯贈遠人

丙戌歲正月出洛陽書懷

往歲衣褐見受服金馬門擬將忠與貞來酬主人恩天

地慙雷雨洪波生平原窮鱗遂踰蹤夙昔事罕存幸逢

帝出震授鉞清東藩白日忽再中萬方咸駿奔王風從

西來春光滿乾坤蟄蟲競飛動余亦辭籠樊遭遇思自

強寵辱安足言唯將四方志迴首謝故園

季冬自嵩山赴洛道中作

皇運偶中變長蛇食東土天蓋西北傾衆星殞如雨胡
塵動地起千里聞戰鼓死人成爲阜流血塗草莽策馬
何紛紛捐軀抗豺虎甘心赴國難誰謂荼葉苦天子初
受命省方造區宇斬鯨安溟波截鼉作天柱三微復正
統五玉歸文祖不圖漢官儀今日忽再覩升高混京邑
佳氣連海浦寶鼎歆景雲明堂舞千羽虎臣口激昂口
口禦侮腐儒著縫掖何處議鄒魯西上轅轅山丘陵
橫今古和風蒸萬物臘月春靄吐得爲太平人窮達不
足數他日遇封禪著書繼三五

代書寄裴六冀劉二穎

昔余馬首東君在海北音入盡屏傳領書相與議巖
穴載來諸佳境每山有車轍長嘯林木動高歌唾壺缺
此辭月末周虜馬嘶絳闕猛虎踞大道九州當中裂聞
君棄孤城猶自握漢節恥栖惡木影忍與故山別脫烏
桂嶺雲罔然若鳥逝聲入唯畱潺湲水分付練溪月爾來
大谷梨白花再成雪關梁限天險歡樂竟兩絕大盜近
削平三川今底寧勾芒布春令屏翳收雷霆伊洛日夜
漲鳴皋蘭杜青鸞鸞兩黃鵠何處遊青冥疇昔切玉刀
應如新發矂及時當樹勳高懸景鐘銘莫拖一作白雲

意徑往丹丘庭功成儻長挹然後謀滄溟

客舍月下對酒醉後寄畢四耀

鄉路風雪深生事憂患迫天長波瀾廣高舉無六翮獨
立寒夜移幽境思彌積霜月照膽淨銀河入簷白沽酒
聊自勞開樽坐簷隙主人奏絲桐能使高興劇清機
無累獻醉更駱驛慷慨葛天歌悵悵廣陵陌既醉萬事
遣耳熱心亦適視身兀如泥瞪目傲今昔故人問城關
音信兩脈脈別時前盟在寸景莫自擲先是畢贈及詩云洪鑪無火停
日身速若飛忽然心與白日關十無一滿百寓形薪
火內甘作天地客與物無親疎斗酒勝竹帛何必用自
苦將貽古賢責

庚子歲避地至玉山訓韓司馬所贈

滄海疾風起洪波駭恬鱗已無濟川分甘作乘桴人揮
手謝秣陵舉帆指甌閩安知風塵表偶與瓊瑤親共悲
行路難況逢江南春故園忽如夢返復知何辰曠野豺
虎滿深山蘭蕙新枉君瀟陵什迴首徒酸辛

下弋陽江舟中代書寄裴侍御

故鄉隔西日去水連長天前路知幾許但指天南邊
恨極浦外隱映青山連東風滿帆來五兩如弓弦遙漢
繡衣客罔然馬首先得餐武昌魚不顧潯陽田屈指數

別日忽乎成兩年百花已滿眼春草漸碧鮮豈是離居時奈何于役牽洞庭有深涉曷日期歸旋且作異鄉料詎知攜手緣離憂未易銷莫道罇酒賢

題思禪寺上方

溪口聞法鼓停機登翠屏攀雲到金界合掌開禪局鬱律衆山抱空濛花雨零老僧指香樓云是不死庭文粹作亭非眇眇於越路茫茫春草青遠山噴百谷繚繞馳東溟目極道文粹作想何在境照心亦冥驕然諸根空破結如破瓶下視三界狹但聞五濁腥山中有良藥吾欲墮天形

早發若峴驛望廬山

雨罷山翠鮮冷泠東風好斷崖雲生處是向峯頂道誰謂峯頂遠跋子可瞻討忘緣祛天機脫屣恨不早祇恐歲云暮遂與空名老心往迹未并慙媿山上草

癸卯歲赴南豐道中聞京師失守寄權士繇韓幼深

種田不遇歲策名不遭時胡塵晦落日西望泣路岐猛虎嘯北風腐廢皆載馳深泥駕疲牛蹉躓余何之詰屈白道轉繚繞清溪隨荒谷嘯山鬼深林啼子規長歎指故山三奏歸來詞不逢眼中人調苦車倭遲士繇松筠操幼深瓊樹姿別來平安不何階一申眉白雲失帝鄉

遠水限天涯昂藏雙威鳳曷月還兩枝努力愛華髮盛年振羽儀但令速難康不負滄洲期莫作新亭泣徒使夷吾嗤

初晴抱琴登馬退山對酒望遠醉後作

年長心易感況爲憂患纏壯圖迫世故行止兩茫然王旅方伐叛虎臣皆被堅魯人著儒服甘就南山田挈榼上高礮超遙望平川滄江大如繩隱映入遠天荒服何所有山花雪中燃寒泉得日景吐雷一作雷鳴漸漸舉酒勸白雲唱歌慰頽年微風度竹來韻我號鍾並一彈一引滿耳熱知心宣曲終余亦酣起舞舞山水前人生幾何時大半百憂煎今日羈愁破始知濁酒賢

書寄贈

海岸望青瑣雲長天漫漫十年不一展知有關山難適逢阮始平立馬問平安取公詠懷詩示我江海濶若窺武庫森然矛戟寒眼明遺頭風心悅忘朝餐大駕今返正熊羆尾鳴鑾公遊鳳凰沼獻可在筆端繫越有長纓封關祇一丸罔然翔寥廓仰望慙羽翰嘉會不我與相思歲云殫唯當就佳句持比青琅玕

寒夜溪行舟中作

日沈諸山昏寂歷羣動宿孤舟獨不繫風水夜相逐雲
歸恆星白露下天地肅月輪大如盤金波入空谷魏闕
萬里道羈念千慮東倦飛思故巢敢望梧與竹沈吟登
樓賦中夜起三復愛來無良方歸候春酒熟

江上代書寄裴使君

何地離念劇江臯風雪時艱難傷遠道老大怯前期疇
昔行藏計祇將力命推能令書信數猶足緩相思

與韓侍御同尋李七舍人不遇題壁畱贈

三徑何寂寂主人山上山亭空簷月在水落釣磯閒藥
院雞犬靜酒壚苔蘚斑知君少機事當待暮雲還

李張皇甫閭權等數公竝有送別之作見寄因

錄有
題字

洞庭正波蘋葉衰豈是秦吳遠別時謝君篋中綺端贈
何以報之長相思

毘陵集卷第一終

毘陵集卷第二

朝散大夫使持節常州諸軍事守常州刺史賜紫金魚袋獨孤及

詩中三十一首

送陳兼應辟兼寄高適賈至

早發龍沮館舟中寄東海徐

文粹
作李

司倉鄭司戶

海上懷華中舊遊寄鄭縣劉少府造渭南王少

府荅

將還越畱別豫章諸公

雜詩

山中春思

傷春懷歸

九月九日李蘇州東樓宴

李卿東池夜宴

將赴京荅李紆贈別

江寧訓鄭縣劉少府兄贈別作

送虢州王錄事之任

送長孫將軍拜歙州之任

送何員外使湖南

送江陵全少府赴任

送虞秀才之長沙

送陽翟張主簿之任

送李賓客荆南迎親

酬常邵縣見贈

送游員外赴淮西

送馬鄭州

蕭文學山池宴集

送荆南張判官

送義烏章明府

送相里郎中赴江西

和虞部韋郎中尋楊駙馬不遇

和贈遠

和題藤架

官渡柳歌送李員外承恩赴揚州覲省

同岑郎中屯田韋員外花樹歌

奉和李尙書畫射虎圖歌

送陳兼應辟兼寄高適賈至

結綠處燕石卞和不必知所以王佐才未能忘茅茨罷
官梁山外穫稻楚水湄適會傳巖人虛舟濟川時天網
忽搖頓公才難棄遺鳳皇翔千仞今始一鳴岐上馬指
國門舉鞭謝書帷預知大人賦掩卻歸來詞天子方在

宥朝廷張四維料君能獻可努力副時咨舊友滿皇州
高冠飛翠蕤相逢絳闕下應道軒車遲高侯秉戎翰策
馬觀西夷方從幕中事參謀王者師買生去洛陽焜耀
琳瑯姿芳名動百步逸韵凌南皮肅肅舉鴻毛冷然順
風吹波流有同異由是限別離漢塞隔隴底秦川連鎬
池白雲日夜滿道里安可思夢想浩盈積物華愁變衰
因君附錯刀送遠益懷其四海各橫絕九霄應易期不
知故巢鷺決起棲何枝

蚤發龍沮館舟中寄東海徐

文粹作李

司倉鄭司戶

沙禽相呼曙色分漁浦鳴榔十里聞正當秋風度楚水
況值遠道傷離羣津頭卻望後湖岸別處已隔東山雲
停文粹誤作亭 鱸目送北歸翼惜無瑤華持寄君

海上懷華中舊遊寄鄭縣劉少府造渭南王少府

崧

涼風臺上三峯月

王任鄭縣日於城角築小臺號涼風臺每與數公置酒登臨望二華雲月

不夜城邊萬里沙離別莫言關塞遠夢魂長在子眞家

將還越畱別豫章諸公

客鳥倦飛思舊林徘徊猶戀衆花陰他時相憶雙航葦
莫問吳江深不深

雜詩

百花結成子春物捨我去流年惜不得獨坐文粹作立空聞暮心自有所待甘爲物華誤未必千黃金買得一人顧

山中春思

猶祭川水大人家春日長獨謠書不暮搔首慙年芳靡草知節換含葩向新陽不嫌三逕深爲我生池塘亭午井竈閑雀聲響空倉花落沒屐齒風動羣木香歸路雲水外天涯杳茫茫獨卷萬里心深入山鳥行芳景勿相迫春愁未遽忘

傷春懷歸

誰謂鄉可望望在天地涯但有時命同萬里共歲華昨夜南山雨殷雷拆萌芽源桃不余欺先發秦人家寂寂戶外掩遲遲春日斜源桃默無言秦人獨長嗟不惜中腸苦但言會合賒思歸吾誰訴笑向南枝花

九月九日李蘇州東樓宴

是菊花開日當君乘興秋風前孟嘉帽月下庾公樓酒解甯征客歌能破別愁醉歸無以贈祇奉萬年調

李卿東池夜宴

得池字

政成機不擾心愜宴忘疲去燭延高月傾壘就小池舞盤迴雪動弦奏躍魚隨自是山公典誰令下士知

將赴京苔李紆贈別

膠漆常一作長投分荆蠻各倦遊帝鄉今獨往溝水便分流甘作遠行客深慙不繫舟思君帶將綬豈直日三秋

江寧訓鄭縣劉少府兄贈別作

往年脫縫掖接武仕關西結綬腰章竝趨階手板齊仙山不用買朋酒日相攜抵掌誇潭壑忘情向組珪事遷時既往年長跡逾賤何爲青雲器獨嗟濁水泥役牽方遠別道在或先迷莫見良田晚遭時亦杖藜

送號州王錄事之任

謂子文章達當年羽翼高一經俄白首三命尙青袍未遇須藏器安卑莫告勞盤根儻相值試用發硃刀

送長孫將軍拜歙州之任

臨難敢橫行遭時取盛名五兵常典校四十又專城浪逐樓船破風從虎竹生島夷今可料繫頸有長纓

送何員外使湖南

夙昔皆黃綬差池復瑣闥上田無晚熟逸翮果先飛前路舟休繫故山雲不歸王程儻未復莫遣經書稀

送江陵全少府赴任

冢司方育選劇縣得英髦固是攀雲漸何嗟趨府勞楚山迎驛路漢水漲秋濤籌畫方茲始看君六關高

送虞秀才擢第歸長沙

充賦名今遂安親事不違甲科文比玉歸路錦爲衣海
運同鯉化風帆若鳥飛知君到三逕松菊有光輝

送陽翟張主簿之任

舊聞陽翟縣西接鳳高山作吏同山隱知君處劇閑少
年當效用遠道豈辭艱遲子揚名後方期綵服還

送李賓客荆南迎親

宗室劉中壘文場謝客兒當爲天北斗曾使海西陲旄
節精誠著銅樓羽翼施還申供帳別言赴倚門期恩渥
霑行李晨昏在路岐君親兩報遂不敢議傷離

訓常郡縣見贈

愛君脩政若脩身鰥寡來歸乳雉馴堂上五弦銷暇日
邑中千室有陽春謂乘鳧鳥朝天子卻媿猪肝累主人
辭後讀君懷縣作定知三歲字猶新

送游員外赴淮西

多君有奇略投筆佐元戎已佩郎官印兼乘御史驄使
星隨驛騎歸路有秋風莫遺無書札他年懷袖空

送馬鄭州

使君朱兩轡春日整東轅芳草成臯路青山涼水源勉
修循吏跡以謝主人恩當使仁風動遙聽輿誦誼

蕭文學山池宴

檀欒千畝綠知是辟疆園遠岫當庭戶諸花覆水源主
人邀盡醉林鳥助狂言莫問愁多少今皆付酒罇

送別荆南張判官

轡車駱馬往從誰夢浦蘭臺日更遲欲識桃花最多處
前程問取武陵兒

送義烏韋明府

妙年能致身陳力復安親不憚關山遠寧辭簿領勤過
江雲滿路到縣海爲鄰每歎違心賞吳門正早春

送相里郎中赴江西

君把一尺詔南游濟滄浪受恩忘險艱不道岐路長戎
狄方搆患休牛殊未遑三秦千倉空戰卒如餓狼委輸
資外府諷謀寄賢良有才當陳力安得遂翱翔豈不慎
井賦賦均人亦康遙知軒車到萬室安耕桑火伏金氣
騰旻天欲蒼茫寒蟬慘巴鄧秋色愁沉湘昨日攜手西
於今芸再黃歡娛詎幾許復向天一方躡躅話世故惆
悵舉離觴共求數刻歡戲謔君此堂今日把手笑少時
各他鄉身名同風波聚散未易量曷月還朝天及時開
智囊前期儻猶闊加飯勉自強

和虞部章郎中尋楊駙馬不遇

金屋瓊臺蕭史家暮春三月渭川花到君仙洞不相見

謂已吹簫乘早霞

和贈遠

憶昔去年春風至中庭桃李映瑣窗美人挾瑟對芳樹
玉顏亭亭與花雙今年新花如舊時去年美人不在茲
借問離居恨深淺祇應獨有庭花知

和題藤架

葦葇葉成幄瓊瓊花落架花前離心苦愁至無日夜人
去藤花千里強藤花無主爲誰芳相思歷亂何由盡春
日迢迢如線長

官渡柳歌送李員外承恩往揚州覲省

君不見官渡河兩岸三月楊柳枝千條萬條色一一勝
綠絲花作鈔粉絮葉成翠羽帳此時送遠人悵望春水
上遠客折楊柳依依兩含情夾郎木蘭舟送郎千里行
郎把紫泥書東征覲庭闈脫卻貂襜褕新著五彩衣雙
鳳并兩翅將鷁東南飛五兩得便風幾日到揚州莫貪
揚州好客行剩淹留郎到官渡頭春闌已應久殷勤道
遠別爲謝大隄柳攀條儻相憶五里一迴首明年柳枝
黃問郎還家否

同岑郎中屯田韋員外花樹歌

東風動地吹花發渭城桃李千樹雪芳菲可愛不可畱

武陵歸客心欲絕金華省郎惜佳辰祇將棣萼照青春
君家自是成蹊處況有庭花作主人

和李尙書畫射虎圖歌

飢虎呀呀立當路萬夫震恐百獸怒彤弓金鉞當者誰
鳴鞭飛控流星馳居然畫中見真態若務除惡不顧私
時和年豐五兵已白額未誅壯士恥分銖遠邇懸轂中
不中不發思全功捨矢如破石可裂應弦盡敵山爲空
殺氣滿堂觀者駭颯若崖谷生長風精微入神在毫末
作續造物何同功方叔秉鉞受命新丹青起子氣益振
底綏靜難功可擬嗟嘆不足聲成文他時代天育萬物
亦以此道安斯民

毘陵集卷第二終

毘陵集卷第三

朝散大夫使持節常州諸軍事守常州刺史賜紫金魚袋獨孤及

詩下二十八首

代書寄上李廣州

自東都還濠州奉訓王八諫議見贈

訓皇甫侍御望潯山見示之作

垂花塢醉後戲題

登山谷寺上方蒼皇甫侍御臥疾閣陪車騎之

贈

詣開悟禪師問心法次第寄韓郎中

喜辱韓十四郎中書兼封近詩見示因代書題

荅

同皇甫侍御齋中春望見示

荅李潞州題庭前石竹花見寄

暮春於山谷寺上方遇恩命到加官進服訓皇

甫侍御見賀之作

和張大夫秋日有懷呈院中諸公

和張大夫秋夜書情

傷春贈遠

送陳王府張長史還京

荅皇甫侍御北歸留別

得柳員外書封寄近詩書中兼報新主行營兵

馬因代書戲荅

同文粹作徐侍郎五雲溪新亭重陽宴集作

和中書常舍人晚秋集賢院卽事寄贈徐薛二

侍郎

登後湖亭傷春懷京師故舊

荅李潞州見寄

水西館泛舟送王員外

得李潞州書以玉潭莊見託因書春思以詩代

荅

題玉潭

荅李潞州憶玉潭新居見寄

和李大夫同呂評事太行苦熱行兼寄院中諸

公

雨後陪王員外泛後湖

陪王員外北樓宴待月

代書寄上李廣州

峴水望番禺迢迢青天末鴻雁飛不到音塵何由達獨
有輿人歌隔雲聲誼聒皆稱府君仁百越賴全活推誠

魚鼈信持正魑魅但疲民飽中和性足無天闕天子咨
四岳佇公濟方割幾時復旋歸入踐青瑣闥賤子託明
德繚若松上葛別離鄙悵生結念思所豁門關關山阻
岐路天地闊唯憑萬里書持用慰飢渴

自東都還濠州奉訓王入諫議見贈

關西仕時俱雅容彪彪之鬢始相逢天地變化縣城改
天寶中及尉華陰鄭縣別後經祿山之亂鄭縣殘毀城移於州西獨有故人文態在不
言會合跡未并猶以歲寒心相待洛陽居守寄鄴侯君
著貂冠參運籌高閣連雲騎省夜新文會友涼風秋青
袍白面昔攜手冉冉府趨君記否雲分雨散十五年始
得一笑鱗酒前未遑少畱驟遠別況值旅雁鳴秋天二
華舊遊如夢想他時再會何由緣賴君贈我郢中曲別
後相思被管弦

訓皇甫侍御望天潢山見示之作

早歲慕五嶽嘗爲塵機礙孰知天柱峯今與郡齋對隱
嶙抱元氣氤氲含青靄雲崖媚遠空石壁寒古塞漢王
南遊日望秩此昭配法駕到谷口禮容振荒外焚柴百
神趨執玉萬方會天旋物順動德布澤霽需講武威已
耀學仙功未艾黃金竟何成洪業遽淪昧度世若一瞬
昨朝已千載如今封禪壇唯見雲雨晦長望哀往古勞

生慙大塊清暉幸相娛幽獨知所賴寒城春方正初日
明可愛萬殊喜陽和余亦荷時秦山色日夜綠下有清
淺瀨魏作拳儂人沈迷簿書內登臨歎拘限出處悲老
大沉聽郢中曲復識湘南態思免物累牽敢令道機退
瞠然一作誦佳句持比秋蘭佩

垂花塢醉後戲題賦得俱字韻并序一首

莊周臺南十許步有丘一成上有樛藤垂花而蔓草荒
之且隔大溝路不可陟道士張太和伐薪爲堰封土以
壅澮余亦命蘿氏治蕪穢而刻宿莽遂別爲登賦之位
位廣一席席間足以函罇酒二簋三月戊子及羣英由
堰而升焉諸花倒垂下拂杯案紫葩綉縑如釵如旒衆
君子瞻弄之不足故秉燭進酒以繼落日欲稱醉而不
能也因命其地曰垂花塢堰曰綠花堰亦飾之以詩云
紫蔓青條覆酒壺落花時與竹風俱歸時自負花前醉
笑向鯨魚問樂無

登山谷寺上方荅皇甫侍御臥疾關陪車騎之贈

梵宮香閣攀霞上天柱孤峯指掌看漢主馬蹤成蔓草
寺中間石上有篆文故法王身相示空棺禪門第三祖
老相傳云漢武帝馬跡法王身相示空棺
在此坊天寶中別駕李常開棺取
金身茶毗收舍利重起塔供養雲扶踴塔青霄庫寄
反松蔭禪庭白石寒不見戴逵心莫展賴將新贈比琅